

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第四三冊



責任編輯：孫言誠 賀 偉

ISBN 7-5333-0615-5



EB38/04

四庫全書存目叢書·集部四三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四三冊目次

集部·別集類

蔡文莊公集八卷附錄三卷(二)

〔明〕蔡清撰
武漢大學圖書館藏清乾隆七年遜敏齋刻本

一

雪洲集十二卷續集二卷

〔明〕黃瓚撰
北京大學圖書館藏明嘉靖黃長壽刻本

七二

松籌堂集十二卷

〔明〕楊循吉撰
北京圖書館藏清金氏文瑞樓鈔本

一八八

都下贈僧詩一卷

〔明〕楊循吉撰
明人文集叢刊影印明鈔本

三〇七

菊花百詠一卷

〔明〕楊循吉撰
中國社會科學院文學研究所藏清鈔本

三一

燈窓末藝一卷攢眉集一卷

〔明〕楊循吉撰
明人文集叢刊影印明鈔本

三二三

東所先生文集十三卷

〔明〕張調撰
天津圖書館藏明嘉靖三十年張希舉刻本

三五

南海雜詠十卷

〔明〕張詡撰

中山圖書館藏明弘治十八年袁賓刻本

四四六

大厓李先生詩集十二卷文集八卷

〔明〕李承箕撰

湖北省圖書館藏明正德五年吳廷舉刻本

四九五

明太保費文憲公文集選要七卷

〔明〕費宏撰 徐階 劉同升選

北京大學圖書館藏明崇禎刻清印費文憲公文通公合集本

六二二

蔡文莊公集八卷附錄三卷

(二)

〔明〕蔡清撰

武漢大學圖書館藏清乾隆七年遜敏

齋刻本

附《四庫全書總目·蔡文莊集

八卷》提要

蔡文莊公集卷之六

宗喬廷魁經五校梓

山人徐居敬重編校

補遺

送鄉人

憶昔喜逢君梅雪飛花滿地白于今送君還楊柳依稀動行色君不見朱紫榮於朝徒勞車馬雜塵囂又不見商賈藏於市終日紛紛爭言利何似林下一身閑萬事從容任君意有時載酒對花衢有時靜讀古人書有時耕兮有時牧有時樵兮有時漁此樂人開文莊公集卷之六 一

畫梅

雪骨與冰魂居然自不羣隴頭眞造化都付筆頭春

送鄒汝愚謫官

我輩云爲太後生功勳名節兩未成我願汝愚從今去細煉心丹祝聖明

送李天崇謫官

曾勸君看黨錮傳時事雖殊理則眞自知氣弱非吾位也有心香向北辰

婚書

余眷同城蔡 端肅書奉 尊親家鳳池李公侍者
清嘗靜言思之自乾道成男坤道成女之後而造化
生生之道付之人與物之自以陰陽相偶而相禪矣
事物之相偶也唯其情而已人則知以理而紀綱夫
情節交人情此婚姻之所以必備六禮也此人道之
所以立而不與羣物類也此家之盛衰所係也此婚
姻之所以不容以無所擇也恭惟 尊親家實吾泉
名族而北來家教益嚴內閭之儀伯季匹休邇邇修
之子姪之秀各專師授亦皆駸駸乎其有成就者
文莊公集 卷之六 二

尊門之盛自此且益有以新乎人之耳目者矣况今
愛方在穉年承嚴君之誨已能勤習女教諸書及諸
女工之務他日宜有賴焉清是以忘其寒素特以愚
子托婚于尊門今茲吉日敬憑媒某奉納微幣為定
禮云夫定之為言一成而不易之謂也古所謂納采
者也子女之賢與其定於此矣家道之將興與其亦
定於此矣且山家之子尚皆在蒙養之年聖人云蒙
以養正聖功也則子女在今日似允可為遠大計故
所深切願望者公自是其益務為清教教子婦而清
亦當自為公督教子壻庶幾他日兩無負耳大易

柔順中正為女德之盛以剛健中正為男德之盛此
此可以知所教矣恐子女年及成童則氣習已向於
成或有後時而教之患故於此時言及之衷曲之情
一用直敘不效近時駢體之語禮數之文也伏惟俯
垂鑒念至祝時成化丁未秋九月廿二日書

藏春窩記

天地之所以造化萬類者春夏秋冬四時也而究其
所以為夏為秋為冬者實一春之氣之貫通特有伸
縮之異耳元非可以判然異體觀也譬之水春其發
源也夏秋冬則皆此源之流行灌注異坎而同宗者
文莊公集 卷之六 三

也由是言之春之於造化其所職不既大乎然人知
夏秋冬之出於春而不知春之所從出者冬也夫冬
其春之所藏也嗚呼亦妙矣尺蠖之屈以求伸也龍
蛇之蟄以存身也向使天地之氣一於發舒而無冬
以斂藏之則元氣將有時而竭雖天地亦不能久其
所以為天地者矣俾不云乎不專一不能直遂不翕
聚不能發散故論太極之用所以行則先陽動者春
之謂也而陰靜者冬之謂也先陰靜者藏春之
謂也藍湖居士吳君時昭名其所居之室曰藏春窩
屬予記之予謂君之意未可審知而君之取類大矣

嗟乎三才一貫也予欲爲君悉以人事之符於藏者
者言之雖累百千言恐未易究姑舉其統會而切要
者論焉夫人之所以爲人者心也心之爲心也寂然
不動感而遂通天下之故寂者其靜感者其動而靜
者其主也故喜怒哀樂之未發謂之中中也者天下
之大本也百行萬善皆由此出是具春之所藏者不
既富矣乎是以其發而中節也謂之和和則生意流
行旁達於事爲日用之間而有形形色色之妙矣其
爲春也何如哉苟使靜有不中則和之根已拔而春
無所藏矣夫焉有體不立而用獨行者哉此雖聖學

文莊公集

卷之六

四

之要未可以泛言然心之性情人人同具無古今聖
凡貴賤之別能者當益勉而不能者亦當企而修焉
者也况君素亦善士耶然則和也者其春乎中也者
其春之所藏乎春之所藏者其卽寫之所在乎若君
之本意蓋以室爲藏春之窩耳雖然理一也君能湛
然靜居以存其喜怒哀樂未發之本體由是行於家
也父子篤兄弟睦行於鄉也朋友信長幼順此卽其
發而中節之和也而是窩允爲春之窩矣若以學者
言之則藏器於身待時而動亦此理也君弟時光游
宦卒與吾友予故又併及之若夫是窩之規制歲月

法歸於大義者則皆在所畧也

商山四皓贊

秦鹿方逐漢馬隨興諸公是時鴻飛于冥兌陰納媚
震位不寧諸公是時鳳儀帝廷吁殆亦所謂時止則
止時行則行動靜不失其時其道光明者矣

右贊一約仍唐梁肅贊辭意而約之耳若曰德宜
輔王而偶生霸世則未敢便道

真西山先生贊

開世真儒高山仰止行義一書發揮宗旨正學遂明
斯文振起功德在人宜陞從祀

文莊公集

卷之六

五

甲陳布衣先生

於乎布衣不可作矣惜乎孟中來之晚矣不可得而
見矣龍溪林蒙庵莆田周翠渠孟中之師事者皆布
衣之友也因其友而慕其人因其人而求其心也
者曠百世而相感况吾與布衣地雖異時則同乎鳴
呼布衣奮身戎伍邁迹詩書陋俗學之曲徑窺斯文
之正路所謂靈芝無根醴泉無源者也使布衣得遊
孔門又當何如其造詣耶然而耿耿方寸悠悠千古
視世之醉生夢死者天壤懸隔矣孟中忝職學式欽
仰高致表石道傍以風多士精爽不昧其尚鑒格

聯文

天上奎光回壁水 劍氣幾年□□□
匣中劍氣射鍾山 文光萬丈起賢關
槽檻難淹千里足 清時入網皆鸞鳳
風雲初快十年心 北冀空羣盡駉騶
獻璞幾迴驚別足 鵬翻圖南風力大
抱琴端喜遇知音 葵心倚北日華將

文莊公集卷之六終

文莊公集 卷之六

六

文莊公集卷之七

宗裔廷魁經五校梓

山人徐居敬重編校

附錄

南京國子監祭酒贈禮部左侍郎理學名臣諡
文莊虛齋蔡先生行畧

先生諱清字介夫虛齋其別號也先世居惠安之
東林里元至正閒有處士惠者避紅巾寇徙晉江寔
爲始祖傳高祖潤及曾祖輝中永樂甲午鄉試卒祖
懋德不仕父觀慧以先生貴封吏部稽勳司主事母

文莊公集 卷之七

一

王氏封安人先生天資穎悟夙出流輩髮就總盡屈
其師明有司試其文皆以大器期之及長益肆力於
學六經子史及周程張朱性理之書靡不熟讀而精
究之謂易五經之首性命之蘊故尤盡心焉毫分縷
析不遺餘力而深造獨詣有發前儒所未發者胸中
所存要不肯小就直欲窮極底奧折衷羣言而上繼
朱子於前人蓋不多數嘗謂吾平生所學惟師文公
而已文公折衷衆說以歸聖賢本旨宋末諸儒割裂
粧綴盡取伊洛遺言以資科舉元儒許衡吳澄黃氏
輩皆務張大其學術自謂足繼道統其實名理不精

失之疏畧本朝宋潛溪王華川諸公雖屢自辨其
非文人其實不脫文人氣質習於經傳少有究心國家
以經術取士其意甚美但命題各立主意衆說紛紜
太宗皇帝命諸儒集羣書大全不分異同混取成書
遂使羣言無所折衷故吾爲衆引合於文公者取之
異者斥之使人觀朱註瓏玲透徹以歸聖賢本旨如
此而已謂天下之理以虛而入亦以虛而應故號虛
齋好學之心至老不倦居官出則治事入必觀書或
與諸生講論雖隆寒盛暑不廢常見其時榻置燈思
惟自得雖夜半必起而筆之與諸生講退卽記其難

文莊公集

卷之七

二

疑答問之語以入衆引有就問者卽傾倒與語每自
夜分達雞鳴方睡去教人以看書思索義理爲先其
言曰今人有書皆爲文辭計不知看到道理透徹後
河氣自昌暢雖欲不文不可得已又曰吾爲衆引使
所學小生把這正經道理漸漬浸灌在胸中久後都
搜了他意趣則其所成就自別先生教人既不爲言
語文字之學士出其門皆能以理學名于時故教聲
張于遠近官職所至如建寧嚴如杭以及兩京隨杖
屨者常百餘人其在南宮爲養子制家則設講于
水陸僧寺有志之士不遠數千里從之泉南一時人

爲之盛皆先生所造就今天下稱易學者猶推泉南
成化丁酉福建鄉試先生二十五卽發解首有司刻
其文先是清源山鳴如玉磬聲者三日人謂先生之
兆云辛丑試禮部大學士劉公微方以編脩主試事
酷賞其文拔置首選將刻之先生以大雪不終試乃
落士論惜焉入胄監祭酒瓊山邱公濬試蔡沈進尚
書傳表批其卷有他真箇是宋人之語深加敬重公
以先生之議欲更定易經四書大全出其本令先生
批點之既完而事未及行登甲辰進士以病歸戊申
弘治改元授禮部主客司主事家宰三原王公恕重

文莊公集

卷之七

三

其學奏改吏部稽勳司主事時與談論道理及訪以
時事與當世人物先生感公知遇凡知無不言因上
時事管見三劄公皆嘉納又疏名士東山劉公大夏
等三十餘人以獻王公一時用之殆盡時有庶吉士
鄒智以危言傷時宰朝廷怒下之獄將處以極刑大
司寇何公喬新方以病在告舉朝驚懼計莫知所出
度惟何公爲能解衆以先生何公所知以其事卽之
謀先生題爲言於何公何公卽出上疏救之得不死
謫嶺南先生作詩送之死又以詩哭之其事尤爲時
論所重辛亥丁母太安人憂服闋王公已去位銓部

有不悅先生者以補祠祭司員外郎先生亦以長子
舉人存畏之喪乞爾都屠家宰以取選不公爲言者
所論遂陞先生南京吏部郎中上疏乞終養至家未
三月丁父封稽勳司主事公憂張適除弘治甲子山
東巡按御史陸公僂請主其省試事先生以王朝之
臣非王命不可行辭不赴丙寅正德改元朝廷卽其
家拜江西提學副使既至脩白鹿洞重師儒以德行
進教學者而時課試之激勸有方士欣然爭向上
州學政文移及大學中庸蒙引精選程文於學宮學
者有所矜式丁卯小試凡居首選之士悉麗鄉薦人
文莊公集 卷之七 四

既而皆如所料子舉人存畏聰明夙成先生賞其文
疑其不壽學政文移蓋其文之粹者先生謂不類平
時之作自意必不久不知何所見也性好山水經史
之暇常携諸生山遊裏糧數百里或經月而後返常
謂山水秀抱必毓賢俊風氣虧疎斷無佳產於是漸
用葵書改遷其高祖以下四世墳塋又欲遷所居於
叢山臨流之處未就歸自江西卽絕意世事日與門
人觀山玩水尋蕘地以爲樂曰此吾身後百年事也
體孱瘠常多病湯藥恆不離一日微恙不復服藥或
彊之曰吾數將終豈藥能續耶前數日召門人故友
文莊公集 卷之七 五

與別俱朝夕侍左右及一夕自知將盡沐浴更衣冠
端坐謂諸生曰吾官至國子師於願足矣復何憾但
吾平生志慕古人古人如賈誼諸葛孔明輩皆年未
四十做出許大事業今吾年過五十而功業不建上
負天地中負朝廷下負祖宗此吾所以羞也諸君其
諄之勉之言訖瞑目而逝時正德戊辰十二月二十
三日夜四刻也是夕有星墜于屋之西吻距所生景
素癸酉年五十六先生孝友出于天性急於求道而
進取之念畧筮仕二十五年從官不能十年家居專
親讀書之外惟與諸生講學著述及遊觀山水而已

方進士在告爲母王安人寫容安人愀然不樂曰吾
同母以子貴兒既登第吾容猶中惘如故耶先生聞
其言隨促裝走還比至得封安人始歿在畱都一日
思親心動卽上疏乞終養至家僅三月而主事翁沒
人皆謂孝感所致二親沒後每忌日必痛哭流涕終
不飲酒食肉其純孝率如此宗族有貧乏者每周恤
之死而殯葬之撫其孤者凡八九人叔父年老篤疾
莫爲生一子四女日就寒餓先生子其子嫁其女奉
養之終其身母安人弟翰爲晉安驛丞鄰者子以去
王祀中絕後鄰有子翰莫能歸先生訪求得之蕭山
文莊公集 卷之七 六

適翰死收其骸骨挈其妻子以歸給以田廬俾主王
氏祀於門人尤有恩義有貧者常衣食之而假之館
因之成就者甚衆平生惟輕利好施故家無儲積垂
沒之際身無以爲殮皆有司及門人助之先生少而
聞道自幼知學卽悟世儒詞章訓詁之非而得乎濂
洛關閩之風旨謂宋儒之道至朱子始集大成朱子
之道不明則聖賢之道因之遂晦故其所學所推明
惟朱子而已至其用功之要則專求諸心嘗曰吾居
閩南一念及燕北其神卽在燕北吾居燕北一念及
閩南其神卽在閩南此可見天地之神之在我善用

之則窮天地之微搜聖賢之蘊達古今之變而無所
不之也故其爲學必定此心於靜密以立之本運此
心於思索以致之用庸能剖析義理入於毫釐析衷
羣言歸于一致又其言曰東海之士得論語讀之可
進於聖人西海之士得大學讀之可進於聖人南海
之士得中庸讀之可進於聖人北海之士得孟子讀
之可進於聖人蓋語孟學庸之書各自以所見示人
途轍少異而其歸則同士囿於東西南北之風氣各
以其性之相近爲學而皆可以入道聖賢垂世立教
微旨各有攸存然非先生之真知允蹈有未能發以
文莊公集 卷之七 七

示人也然則先生之學於道其深矣世之博雜支離
者固不敢望其下風自謂簡易高明而中實暗昧者
又不足汲其藩籬也爲文惟尚理致皆溢中肆外之
語不待雕琢而成淳雅平正如良金美玉無瑕可指
如布帛菽粟民生日用之不厭也所著有四書蒙引
易經新續蒙引河洛太極圖說綱目隨筆客歲文集
皆足以發揮經旨折衷衆論羽翼四子六經有大功
於子朱子之門以開後之學者仕必欲行其所學一
言一行不合于時則奉身而退雖挽之不能使畱則
守孔子進禮退義之家法而禍幾灼見於十年之前

之際幾大易所謂見幾而作不俟終日者至其死生之際早有定見從容而無遽急安定而不紊亂雖曾子易簡之時朱子屬續之際要不是過非達死生之理而深契于性命者又何以至是噫若先生者謂振古之豪杰非與元之學也後每恨不得與諸賢及先生之門親領其教蓋嘗聞風興起於先生之書潛心熟讀亦既有年竊有以得其緒餘之一二矣癸未春考績北上先生之季子舉人有遠遇予於京邸備述其先人平生事凡為序次以垂不朽夫褒崇先哲予志也亦予責也所愧淺劣無似不能寫先生之萬

文莊公集

卷之七

八

一况旅次倉皇書簡俱無可考姑據所述與元前後所聞於人者互相參考作行狀若先生之盛德大業死之所不能盡者則以俟後之君子

嘉靖癸未歲四月幾望前進士南京大理寺右寺正同鄧後學林希元撰

先祖行畧諸名公能言之駒日夜讀先人遺文未稔其實每蒙諸公祖父母索理學公事蹟駒不敢僭附簪筆私為杜撰謹于簡名公疏稿彙成一冊庶曠代中如或見之爾若曰誰是裴其而兀坐雞窓愴然涕則駒赧汗通身矣

崇禎癸酉仲春齋孫邦駒謹識

都察院左僉都御史咫尺亭詹先生疏稿

題為一代醇儒公論已定表章猶闕懇乞聖明核實賜諡以示激勸以光人文事臣惟帝王之治莫先乎重道而崇儒夫重道崇儒者帝王所以礪世磨鈍也風化人心世道國脉於焉攸繫臣伏睹我朝治教休明皆由列聖相承以重道崇儒為首務我皇上紹隆聖統茂明帝學尤孳孳汲汲加意儒碩而表章之是故士之幸而生於我朝其脩身得道妙契聖賢之真傳如薛瑄胡居仁陳獻章王守仁者既得進而從

文莊公集

卷之七

九

祀孔庭廟食百世其飭躬砥行確守聖賢之正軌如羅倫羅洪先者亦得諡為文恭為文毅以六品之秩而被華袞之褒蓋所以闡揚往哲廣厲來人風化以振人心以淑世道有所維而益盛國脉有所培而益昌矣乃臣之愚以諸臣之外有德足以從祀而無愧而俎豆之議未遑賢足以得諡而不慚而易名之典未及者則臣於其鄉得一人焉南京國子監祭酒蔡清是已按清平生事實臣聞之故老讀其著書考諸皇明政要理學名臣錄通紀吾學編憲章錄八閩通志之所紀載參諸海內縉紳之所議論確然有據

爲 皇上陳之清以成化甲辰進士爲禮部主事
三年調吏部復除禮部既而乞南歸而請告正德間
起江西按察司副使提督學校當其時寧藩在焉寧
藩內蓄異志而外以虛禮與士大夫相結籠以智數
省以威權蓋無不遊於習之彀中者清獨守正秉禮
屹然特立故事三司以朔望朝王次日乃謁孔子清
請先謁孔子而後朝王至其賀王誕日清又獨去朝
服蔽膝寧庶人啣之於是有乘閒言清與林俊厚者
寧庶人益忌清清遂引疾去嘗語人曰寧藩所謂智
足以距諫辯足以飾非今雖逆節未萌然竟可慮但

文莊公集

卷之七

十

願老天祥宋而已蓋是時清已豫見其微矣既家居
杜門掃軌潛心力學其學以六經爲正宗四書爲嫡
傳周程張朱爲真派窮紬繹摩擬闡解有四書家
引易經蒙引性理要解諸書蓋朱熹發明聖賢之旨
而清又發明朱氏之言四方學者宗之至于今不廢
乃其勵志好脩省身克已行不媿影寢不媿衾則又
見於密箴一書今觀其言皆身心性情之實功而不
事口耳皆天下國家之實用而不爲玄虛與道之
書錄實足相擬先臣林俊稱其凝重端雅操養力貞
而進取之念畧好古篤信貞風淵軌使人躁息安清

其疏稱其明經博學行潔心淳氣清而色和外簡而
內辨可謂知清者臣嘗取清生平反覆論之力抗藩
王獨立不懼勁節也方寧庶人舞智炫才盛有賢稱
而明炳幾先睹於未形蚤見也超然遠遜不俟終日
亭亭物表皎皎霞外高行也平居非聖人之書不觀
非聖人之道不談正學也躬行實踐不媿屋漏真脩
也朱熹有功於聖人而清則有功於朱氏羽翼經傳
折衷羣言卽今經筵日講虎觀諸儒臣之所勸誦亦
多采其說推之四方家傳人誦爲人士式佐國家萬
年同文之治於無窮懋功也若其屢辭名位而不居

文莊公集

卷之七

十一

退甘窮約而無愠官至四品家無數金恆借貸於人
以爲生貴而能貧此猶其細者而衡文騰士藻鑑精
明識陳琛於埃塵拔舒芬於困滯賢人魁士多出其
門此亦其緒餘耳臣嘗以爲使當時江右諸司得如
清輩數人則据經守正當有以逆折其奸萌而淮南
之謀必寢使清不去去而不死且復用則弘識許謀
當有以匡持平時事而東山之望必佳使仕者而知
所景行則淡泊寧靜必無干名競進之心學者而知
所向方則篤實潛脩必無好高爲人之病士之明經
應舉者但習清之書守清之說而不倍則其所爲文

然一出於正又安有離經叛道操戈入室而流於
二氏六子之歸者哉 皇上方畱心九經崇尚正學
惟士習文體爲拳拳臣愚謂欲端士習而正文體則
請表章此一臣以風天下而所爲表章之者惟有從
祀及謚典耳義議從祀時在廷諸臣多言清當從祀
者後以其典重而舉不欲輕姑緩之以俟論定臣愚
謂清之賢無愧於薛瑄胡居仁陳獻章王守仁羅倫
雖洪先之儔卽從祀之典未及再證若且予之謚則
確乎其不爲過 皇上試舉清人品詢之在廷有能
實議者乎試舉蒙引一書有一人不諱習者乎試詢

文莊公集

卷之七

十三

以謚之與從祀當否有稱不當者乎蓋非臣私論實
在廷諸臣之論也亦非臣及在廷諸臣之心而四方
人士所共仰望之心也抑臣又有感焉前代從祀率
公之人以區區之宋自周張程朱四子外猶有仰雍
司馬光楊時胡瑗歐陽修等乃獨我朝二百餘年而
始進一薛瑄往歲而始進胡居仁陳獻章王守仁三
人則已誇詡以爲盛卽以造詣踐履爲實純粹如蔡
清者猶然靳之俎豆不得儕於楊時胡瑗之列何我
明之不逮宋遠也無亦持議者操疑難之心其於所
聞於所見屈服前代而責備當朝遂使俊偉之流

品湮鬱於評論之苛而昌熾之人文遏佚於慎重之
過乎甚非所以紹續統緒光揚盛美耀既往而示將
來也臣願 皇上加意一代之規稍弘崇獎之路勅
下該部查訪如果臣言不謬先將蔡清比照羅倫羅
洪先二臣事例賜謚易名而從祀之典不難再議而
續舉焉仍將我朝諸理學儒臣博訪精核或當請謚
或當請祀一體表揚令人知聖意之所嚮相與脩實
行崇正學其於風化人心世道國脉所裨非淺鮮矣
臣愚不勝願望懇祈之至緣係一代醇儒公論已定
表章猶闕懇乞聖明核實賜謚以示激勸以光人文

文莊公集

卷之二

十三

事理未敢擅便謹題請旨奉 聖旨禮部知道

禮部核疏稿

題爲一代醇儒公論已定表章猶闕懇乞聖明核實
賜謚以示激勸以光人文事祠祭司案呈奉本部送
禮科抄出左僉都御史詹仰庇題前事奉 聖旨禮
部知道欽此欽遵抄出到部送司查得大明會典內
一款文武大臣有請謚者禮部照例上請得 旨行
吏兵二部備查實跡禮部定爲上中下三等以行業
俱優者爲上行實蹟可者爲中行實蹟取者爲下開
送翰林院擬謚請 旨又一款大臣應得謚者禮部

何廣加咨詢稽覈名實開有應諡而未經題請及會
題請而未蒙賜諡者不論遠近許各該撫按及科道
官從公舉奏禮部酌議題補給及查得原任翰林院
脩撰羅倫左春坊左司諫羅洪先于嘉靖元年等年
內題請補諡羅倫諡文毅羅洪先諡文恭去訖今該
前因通查案呈請部有得左僉都御史詹仰庇等稱
先臣祭酒蔡清造詣踐履篤實純粹粹乞要加賜諡
羅倫等事例賜諡易名或議從祀仍將我朝諸儒
臣博訪精該或當請諡一體表揚各一節為羅已故
南京國子監祭酒蔡清心術純正而養之以冰醇操

文莊公集

卷之七

古

履端嚴而本之以篤實窮經開教則字句皆有發明
而功垂後學守道挺身則古動皆可師法而德遇
修宜加褒崇以示風勸除從祀重典例應會官另議
外所有易名一節既經該司查有前例合候命下行
翰林院撰諡上請施行其餘理學名臣未蒙賜諡者
容臣等逐一查訪的實另議題請施行奉 聖旨是
蔡清准與他諡

禮部咨稿

題為一代醇儒公論已定表章稽覈懇乞聖明核實
賜諡以示激勵以光人文事該翰林院通出揭帖賜

原任南京國子監祭酒蔡清諡文莊遞出到部擬合
就行為此合咨貴部煩為查照施行右咨吏部

吏部報疏

題為一代醇儒公論已定表章稽覈懇乞聖明核實
賜諡以示激勵以光人文事該翰林院通出揭帖賜
准禮部咨該翰林院遞出揭帖賜原任南京國子監
祭酒蔡清諡文莊等因備咨到部送司案呈到部看
得賜諡官員例該給與誥命合行翰林院撰文中書
舍人關軸書寫臣等未敢擅便開謹題請 旨

諡文莊誥命一軸

文莊公集

卷之七

五

奉天承運 皇帝制曰國家雅重儒碩生則用其才
而顯其身歿則核其實而定其諡所以標表章軌勵
世作人典至鉅也爾故南京國子監祭酒蔡清純篤
之資深潛之學歷仕而据經守正屹砥柱于中流
年而引疾乞身遺紛華於世味行有枝葉道無磷
克已省心幽獨儼神明之鑒著書垂世經傳資羽翼
之功人雖徂而風猶存時既久而名未易良為闕典
朕用軫懷茲特諡爾為文莊錫之誥命於戲窮經致
用尚流百世之芳節惠尊名永錫九原之賁爾靈不
昧式克欽承萬曆十六年閏六月十二日

九我李先生請贈官奏疏

萬曆甲辰年七月廿日禮部侍郎署部事李廷機一
本爲理學名臣已蒙贈諡猶未贈官乞輔闕典以崇
儒重道事已故南京國子監祭酒蔡清仕於弘正之
年且德誼則九州四海所共聞知其著書則學經諸
生所共習誦其名登於國朝名臣之錄先年議從祀
孔子廟廷多謂應從祀者其卓卓彰明不待臣之贅
也萬曆十六年台臣以易名請下臣部覆蒙 皇上
諭文莊華衮之褒天下被其榮又服其當矣是惟祭
酒乃其原官秩猶仍於生前贈未加於身後表揚之
文莊公集 卷之七 其

誥命一道

奉天承運 皇帝制曰我國家儒術甚盛而真儒亦
難其人其有淵詣足以羽翼聖真其清標足以興起
流俗雖沒世之久而典刑未泯夙望表章其可已乎

爾原任南京國子監祭酒蔡清學有本淵動遵矩矱

窮年著述闢鄒魯之微言篤志進修紹程朱之正脈
服休仕路出處優游抗節藩庭風猷峻潔遠脂韋其
若澹甘淡薄而如飴爲八閩文獻之宗負一代著英
之望至今後學猶凜前徽朕博採輿評緬懷舊德既
已易之嘉名矣茲因禮臣疏請復贈爾爲禮部左侍
郎錫之誥命於戲道充爲貴寧知地下之榮至德可
師爰作域中之勸用頒明綍載賁幽局萬曆三十二
年九月十七日

序齋李先生請特祀奏疏

文莊公集

卷之七

十七

萬曆乙卯七年工科左給事中臣李熙題爲懇乞
聖明表章真儒一體崇祀以溥風化事臣聞帝王之
治天下所以鼓其遷善而不知爲之者風化是已而
風化觀乎好尚尤莫要於右文崇祀之典其舉之也
若甚遷而其究之也默有以係屬民心作新耳目歸
之於一道同俗之盛此帝王之治所以至約而至博
至微而至神與我 皇上躬聖智之資藏緝熙之學
親賢問道日有孜孜卽位以來節允禮臣覆言官等
將已故儒臣章茂祀正學祠吳與剛陳獻章胡居仁
陳真晟各專祀於其鄉一時縉紳章縫之士咸會